

Ս. Հ. Սարգսյան

ՍՈՎԵՏԱԿԱՆ ՌՈՒՍԱՍՏԱՆԻ ՀԱՅԿԱԿԱՆ ԹԵՐԹԵՐԸ ՔԱՂԱՔԱՑԻԱԿԱՆ
ԿՈՒՎՆԵՐԻ ՏԱՐԻՆԵՐԻՆ

Քաղաքացիական պատերազմի տարիներին սովետական երկրի բազմազգ ժողովուրդները հերոսաբար մարտնչում էին սպիտակգվարդիական բանակների և օտարերկրյա ինտերվենտների դեմ: Այդ փոթորկահույզ օրերին սրբապան կովում կուսակցության հավատարիմ օղակները՝ մամուլը հանդես էր գալիս հեղափոխության պաշտպանների առաջին շարքերում, որպես մասսաների մորիլիզացման ու կազմակերպման հզոր ուժ: Մամուլը հակայական աշխատանք կատարեց քաղաքացիական պատերազմի բնույթը և պատճառները բացահայտելու, իմպերիալիստական գիշատիչների զավթողական մտադրությունները մերկացնելու ուղղությամբ: Նա օգնեց կոմունիստական կուսակցությանը համախմբելու Ռուսաստանի հեղափոխական պրոլետարիատի և զյուդացիության ուժերը, կազմակերպելու նրանց միասնական պայքարն ընդդեմ հակահեղափոխական բանդաների և օտարազգի նվաճողների:

Այդ պայքարում նշանակալի ավանդ ներդրին նաև 1918—1921 թվականներին Սովետական Ռուսաստանում հրատարակվող հայկական թերթերը¹, նրանք հայ մարտիկներին դաստիարակում էին կոմունիստական կուսակցության, սովետական իշխանության նկատմամբ անսահման նվիրվածության սգով, բուլճերիկյան ճշմարտացի խոսքը հասցնում մարդկանց, ոգեշնչում նրանց դեպի նոր հաղթանակներ: Բազմաթիվ հոդվածներում՝ ու ինֆորմացիաներում, ակնարկներում ու թղթակցություններում թերթերը պատմում էին քաղաքացիական կռիվների ճակատներում հեղափոխական մարտիկների սխրագործության մասին, ջուլջ տալիս Ռուսաստանի հեղափոխական ժողովրդի մղած պայքարի վեհ նպատակները, արտահայտում կուսակցության ու ժողովրդի անսասան վճռականությունն ու կամքը՝ ջախջախիչ հարված հասցնելու անարգ թշնամուն և նրան դուրս շարժելու երկրի սահմաններից:

Հայկական թերթերը իրենց էջերում մեծ տեղ էին հատկացնում նաև երիտասարդ սովետական հանրապետության պաշտպանունակության ամրապնդման, կարմիր բանակի հզորացման հարցերին: Խոսելով ընդհանուր զինվորական ուսուցում անցկացնելու մասին, Մոսկվայի «Կարմիր դրոշակ» թերթը կոչ էր անում մասսաներին տիրապետել մարտական զենքին, քանի որ ճշնված ժողովուրդները միայն զենքի ուժով կարող են ձևափոխել իրենց ազատությունը:

1919 թվականին Աստրախանի «Կարմիր բանվոր» թերթը տպագրել է Վ. Ի. Լենինի ստորագրած պատմական մի փաստաթուղթ: Դա կուսակցության

¹ «Կոմունիստ», 1918 թ., «Կարմիր դրոշակ», 1919 թ. (Մոսկվա), «Կարմիր օրեր», 1918 թ. (Պլատիդորսկ), «Կարմիր բանվոր», 1919 թ. (Աստրախան), «Բանվորի կռիվը», 1920 թ., «Բանվոր», 1921 թ. (Ռուստով-Նախիչևան), «Կարմիր Աստղ», 1920—1921 թթ. (Կրասնոդար), «Շենփոթ», 1919 թ., «Կոյնակ», 1920 թ. (Աշխարադ) և այլն:

Տ-րդ համագումարի կողմից ընդունված կոչն էր հակահեղափոխությունը ճշն-
շելու մասին: Լենինյան այդ կոչը կուսակցական և սովետական կազմակեր-
պությունների առջև խնդիր էր դնում մոբիլիզացնել բոլոր ուժերը, պատրաստ
լինել արժանի հակահարված հասցնելու թշնամուն: Արձագանքելով լենինյան
կոչին, Ռուսաստանի հայ աշխատավորությունը ոտքի ելավ կրծքով պաշա-
պանելու Հոկտեմբերյան հեղափոխության նվաճումները: «Կարմիր բանվորը»
ընդարձակ ինֆորմացիա տպագրեց 1919 թ. հունիսի 13-ին Աստրախանում
կայացած կոմունիստական կազմակերպությունների ցույցի մասին: Հակա-
հեղափոխության դեմ կազմակերպված այդ հզոր ցույցում Աստրախանի բազ-
մազգ աշխատավորները, այդ թվում և հայ տարագիրները, կոչ էին անում ջախ-
ջախիչ հարված հասցնել դենիկինյան հրոսակախմբերին և անգլիական ին-
տերվենտներին: Իմպերիալիստական պետությունները խրախուսում և առաջ
էին մղում հակահեղափոխական բոլոր ուժերին՝ ամեն ջանք գործադրելով ճշն-
շելու, կասեցնելու Ռուսաստանի պրոլետարիատի հաղթական արշավը: Ի դեպ,
այդ պետությունները նույնիսկ չէին էլ թաքցնում Դենիկինին և սպիտակգվար-
դիական մյուս գեներալներին օգնելու իրենց մտադրությունները: Անգլիական
կառավարությունը բացահայտորեն պաշտպանում էր Դենիկինին: Նա դիմում
էր ամեն տեսակ միջոցների, միայն թե կարողանար ամրապնդել Դենիկինի
դիրքերը: Այսպես, օրինակ, անգլիական գեներալ Կորնը վրացական կառավա-
րությանը ուղղած իր նամակում գրում է. «Իմ կառավարության կողմից առա-
ջարկում եմ անցկացնել Դենիկինի և Անդրկովկասի նոր կազմակերպված պե-
տությունների սահմանագիծը: Վրացական զորքերը պետք է ետ քաշվեն Բզի-
րիից հարավ: Անդրկովկասյան կառավարությունները պետք է ձեռք քաշեն
Դենիկինի դեմ վարած նվաճողական քաղաքականությունից և օգնեն նրան
նավթով և ուրիշ մթերքներով, և չպետք է թույլ տրվի, որ այդ մթերքները ներ-
մուծվեն սովետական կառավարության սահմանները»²:

Այդ օրերին հայկական թերթերը տպագրեցին Ռուսաստանի Սոցիալիս-
տական Ֆեդերատիվ Սովետական Ռեսպուբլիկայի արտաքին գործերի ժողո-
վրդական կոմիսարիատի կողմից՝ ուղղված Ադրբեյջանի, Դաղստանի և Վրաստա-
նի բանվորներին ու գյուղացիներին: Այստեղ պարզաբանվում էին Դենիկինի
չարանենդ մտադրությունները Կովկասի նկատմամբ, և կոչ էր արվում պայ-
քարի ելնել դենիկինյան վտանգի դեմ:

Ֆրանսիական իմպերիալիստները նույնպես ամեն կերպ խրախուսում ու
աջակցում էին սպիտակգվարդիական հրոսակախմբերին: Ֆրանսիական խո-
շոր կապիտալի ներկայացուցիչ Կլեմանսոն զրկատելով ռուսական հակահե-
ղափոխության պարագլուխներին, կոչ էր անում, որպեսզի լեհ շլյախտիչները,
ռումին բոյարները, ֆին կապիտալիստները, հայ ազգայնականները օգնեն Դե-
նիկինին և Կոլչակին: Հայկական թերթերը անարգանքի սյունին էին գամում
Կլեմանսոնին և վճռականապես հայտարարում. «Որքան էլ հուսահատված ա-
ղաղակես, օգնություն կանչես, քեզ այլևս լսող չի լինի, բայց դու գիտես, որ
աշխատավորների ցասումին ոչ մի ուժ չի դիմանալ, կջարդվեն, կխորտակվեն
բո թիկնապահները: Հին, փտած, մեռնող հասարակության զառամած պատ-
գամախոս, դու կանցնես, կանհետանաս, քո հետևից տանելով ազատված

2 «Կարմիր դրոշակ», Մոսկվա, 1919 թ., № 3:

մարդկության նզովքն ու գարշանքը»³։ Մոսկվայի «Կոմունիստ», «Կարմիր դրոշակ», Աստրախանի «Կարմիր բանվոր» հայկական թերթերը մասսաներին բացատրում էին իմպերիալիստական պետությունների կողմից Ռուսաստանի հակահեղափոխական ուժերին օգնելու բուն նպատակները։ Այդ թերթերը մարքսիստորեն վերլուծելով քաղաքացիական կռիվների պատճառները, նշանակում էին ազգային բուրժուազիայի դավաճան «քաղաքագետներին»։ «Կարմիր դրոշակը» իր էջերում սուր քննադատության էր ենթարկում իշխան Լվովին, Սազոնովին, Մակլակովին, որոնք Փարիզում նստած՝ Լրագում էին «Մեծ Ռուսաստան» ստեղծել Զինվանդիայի, Լեհաստանի և ամբողջ Անդրկովկասի հաշվին։ Այդ երազանքների մեջ ոչ քիչ տեղ էր հատկացված նաև հայկական բարձրավանդակին։ Թերթը մերկացնում էր ռուսական հակահեղափոխության այդ տխրահռչակ ձայնակիցների հակաժողովրդական գաղափարները, միաժամանակ ցույց տալիս տեղական ազգայնական տրամադրությունների վտանգավոր բնույթը։ «Գեթ այսօր, գեթ այժմ պիտի հասկանան մեր նացիոնալիստները, — գրում էր թերթը, — որ իրենց գործնականորեն ոչ միայն սրում են ազգային փոխհարաբերություններն, այլև պատրաստում են ամենածանր սև օրեր հայ աշխատավորների, հայ գյուղացիների և բանվորների, հայ ժողովրդի համար»⁴։

Այն օրերին, երբ Հայաստանի դաշնակցական կառավարողները դավաճանելով հայ ժողովրդի շահերին, սերտ հարաբերություններ էին հաստատում Ռուսաստանի սահարյուրակային, դենիկինյան կառավարության հետ, «Կարմիր դրոշակը» համարձակորեն ցույց էր տալիս, որ այդ գործարքները փաստորեն նոր ազգամիջյան կռիվների առիթ են ստեղծում Անդրկովկասի եղբայրական ժողովուրդների միջև։ Մատնացույց անելով դաշնակ կառավարողների խժոժությունները, թերթը ցույց էր տալիս, որ դաշնակցական կառավարության գործողությունները ելնում են միմիայն բուրժուազիայի շահերից։ «Ահա թե ինչու այսօր ոչ մի հայ բանվոր, ոչ մի գյուղացի չի կարող հավատալ «Հայաստանի» ժամանակակից կառավարիչներին՝ այդ ստոր խեղկատակներին և փորձված դավաճաններին»⁵։ Թերթը կոչ էր անում հայ աշխատավորությանը անհաշտ պայքար ծավալել հայ ազգայնականների բոլոր նոր ավանտյուրաների դեմ և տապալել հակահեղափոխական դաշնակցական կառավարությունը։

Այսպես էին մարտնչում Ռուսաստանի հայկական թերթերը ընդդեմ հայ բուրժուազիայի, որը թշնամաբար էր ընդունում սովետական իշխանության, կոմունիստների հաջողությունները և ազգայնական խառնաժողովներում սուր էր ճռճում հայ ժողովրդի փրկության համար քաջաբար մարտնչողների՝ բոլշևիկների դեմ։ Թերթերը կոչ էին անում չհավատալ ազգային խորհուրդների փարիսեցիական հավաստիացումներին «Հայաստանի մասին» և նրանց կեղծ հայրենասիրությանը՝ «հանուն Հայաստանի»։

«Դենիկին» վերնագրով առաջնորդող հոդվածում «Կարմիր դրոշակը» պարզաբանում էր, որ այժմ Դոնի շրջանը այն հիմնական պատենեշն է, որն ընկած է Սովետական Ռուսաստանի և Կովկասի միջև, ուստի Դենիկինի ջախջախումը թերթը համարում էր սովետական պետության առաջնահերթ խնդիրը։ Դենիկինի ջախջախումից հետո Կովկասի բանվորա-գյուղացիական զինված ուժերը

3 «Կարմիր բանվոր», Աստրախան, 1919 թ., № 13։

4 «Կարմիր դրոշակ», Մոսկվա, 1919 թ., № 11։

5 Նույն տեղում։

կմիանան Սովետական Ռուսաստանի հետ,— եզրակացնում էր «Կարմիր դրոշակը»:

Թերթերը իրենց ընթերցողներին պատմում էին դեմոկրատիայի գեներալների դաժանությունների մասին: Այս տեսակետից ուշագրավ է բոլշևիկյան կուսակցության ականավոր գործիչ Ս. Մ. Կիրովի «Դեմոկրատիայի Կոմկառում» վերնագրով հոդվածը, որը տպագրվել է Աստրախանի «Կարմիր բանվոր» թերթի 1919 թ. 10-րդ համարում: Հոդվածում Կիրովը ցույց է տալիս, թե ինչպիսի գազանությունների էին դիմում դեմոկրատիայի հրոսակախմբերը Հյուսիսային Կովկասի խաղաղ բնակչության նկատմամբ: Հոդվածի նյութը Թերթի ափի հրիստիանովսկոյե գյուղի ողբերգությունն է: Ս. Մ. Կիրովը մերկացնում է սպիտակավարդիական գեներալ Վոդոբուկու անմարդկային արարքները: «Բոլոր բնակիչներին,— գրել է նա,— ծերունիներից մինչև ծովերները, թվով մինչև 12 հազար, գյուղից դուրս հանելով, կարգով շարեցին Արգոնի և հրիստիանովսկոյեի միջև գտնվող դաշտում, և այստեղ էր, որ սկսվեց թալանը: Խուզարկության պատրվակով նրանք պրպտեցին բոլորի գրպանները, ծոցերը, վերջին փողերը, թանկագին իրեղենները՝ ոսկեղեն զաշույններ, արծաթե գոտիներ և այլն, բոլորը, ինչ որ դժբախտ մայրերը, քույրերն ու հայրերը կարողացել էին վերցնել իրենց հետ. վերջին գլխարկներ, մուշտակներ, կտորներ, անասուններ: Տների աչքի առաջ կազակները նստեցին նրանց ձիերն ու հեռացան:

Հիվանդ, քաղցած ու մերկ դժբախտ զոհերին ուղիղ երկու օր ու գիշեր պահեցին բաց դաշտում՝ անձրևի տակ: Լաց, հառաչանք, մահ...»:

Մի այլ հոդվածում, որի հեղինակն է Աշոտ Խումարյանը (ստորագրված է Ա. Մուսայան), ցույց տալով սպիտակավարդիականների անմարդկային արարքները, թերթը գրում է. «Ուկրաինայի դաշտերը երբեք տեսած չեն այն արյունահեղությունները, որ այժմ տեղի են ունենում ցարի հին գեներալ Շկուրոյի կատաղի հրամանների շնորհիվ. կախում են, գնդակահար անում, շարժարում այն բոլորին, որոնք չեն ճանաչում գեներալ Շկուրոյի իշխանությունը»:

Թերթերն իրենց ընթերցողներին տեղեկացնում էին նաև այն մասին, թե աշխատավոր ժողովուրդն ինչպիսի պայքար էր տանում դեմոկրատիայի թիկունքում: Այդ տեղեկությունները հիմնականում հաղորդում էին սպիտակավարդիական ուժերից փախած քաղաքացիները, որոնք տեսել և զգացել էին հակահեղափոխական հրոսակախմբերի գազանությունները: Թերթերը հաղորդում էին, որ Լուգանսկում, Դոնեցկի շրջանում ապստամբել են 5000 բանվոր, Հյուսիսային Կովկասում՝ Ստավրոպոլի, Դոնոսում շրջաններում՝ լեռնականներն ու Թերթի կազակները: Անդորրություն չէր տիրում նաև Դեմոկրատիայի մայրաքաղաքում՝ Եկատերինոգարում: Իսկ Կոլչակի «Թագավորության» թիկունքում՝ Կրասնոյարսկում, Տոմսկում, Տոբոլսկի շրջաններում պայքարի էին ելել ապստամբ գյուղացիները: Թերթերը ցույց էին տալիս, որ հակահեղափոխական թիկունքի ամենահեռավոր անկյուններում բոլշևիկյան ազդեցությունը օրեցօր աճում է. «բոլշևիկներն ունեն շատ բարեկամներ»:

Շնորհից կորուստը մոտ է՝ վերնագրով առաջնորդող հոդվածում «Կարմիր բանվոր» թերթը գրում է. «...մենք չենք էլ կասկածում, մի րոպե անգամ, որ այդ թիկունքը մի օր, շատ մոտ ժամանակում, ծածանելու է հեղափոխության

կարմիր դրոշակը ու ճեղքելով 'Խենիկինի ու Կուշակի շարքերը, միանալու է հորհրդային կարմիր Ռուսաստանին»⁷։

1918 թ. հունվարի 28-ին Վ. Ի. Լենինը ստորագրեց բանվորա-գյուղացիական կարմիր բանակի կազմակերպման պատմական դեկրետը։ Սովետական մամուլը մեծ դեր խաղաց նրեք միլիոնանոց բանակի ստեղծման համար կոմունիստական կուսակցության ձեռնարկած միջոցառումների պրոպագանդման ուղղությամբ։ Այդ պործում անմասն չմնաց նաև հայկական մամուլը։ Թերթերը տպագրում էին հոդվածներ ու զանազան ինֆորմացիաներ կարմիր բանակի կազմակերպման գործում ձեռք բերված հաջողությունների մասին։ Պյատիգորսկի «Կարմիր օրեր» թերթը պատմելով Հյուսիսային Կովկասում բռնկված քաղաքացիական կռիվների մասին, առաջարկում էր կազմակերպել հայկական զորամաս և այն կոչել Լենինի անունով։ «Հայկական կարմիր զորամասի շուրջը» հոդվածում կարդում ենք. «Ժամանակը և պայմանները մեզանից հրամայաբար պահանջում են կազմակերպել հայկական կարմիր զորամաս ընկ. Լենինի անունով։ Չլսել այդ կոչը, չընդառաջել մարտահրավերին, կնշանակի գերեզմանների մոտ սարսռազին սպասել գերեզմանափորին։

Լինենք ճկուն ու արդարամիտ, լինենք հեղափոխական բանակների հետ և նրանց բախտակից, միշտ գիտակցելով, որ՝ անտարբերների վաղը զարհուրելի է»⁸։

«Կարմիր օրերը» ազդեցություն-կազմակերպչական լայն աշխատանք էր տանում հայ բանվորներին ու շքավոր գյուղացիներին կարմիր զորաբանակի շարքերն ընդգրկելու ուղղությամբ։ Կուսակցության կոչը թերթի միջոցով աշխատավոր մասսաներին հասցնելուց հետո, հայկական զորագնդի կազմակերպման հարցը ավելի ու ավելի իրական էր դառնում։ Հարյուրավոր մարդիկ դիմում էին մեծ Լենինի անունը կրող զորագնդի շարքերն ընդունվելու և հեղափոխության նվաճումները պաշտպանելու համար։

Հայկական զորագունդը քաղաքացիական կռիվների տարիներին հերոսական մարտեր մղեց Հյուսիսային Կովկասի զանազան ճակատներում և ցույց տվեց արիության շատ օրինակներ։

1919 թ. սկզբին կուսակցության Կենտրոնական կոմիտեն արձակեց «Սոցիալիստական հայրենիքը վտանգի մեջ է» լուզուկը։ Ամբողջ երկիրը հայտարարվեց միասնական ռազմական ճամբար։ Սովետական երիտասարդ հանրապետության օլիգասական այդ մոմենտին պարենավորման վիճակը բարելավելու նպատակով կուսակցությունը անհրաժեշտ էր համարում Վոլգան, Ուրալը, Սիբիրը անհապաղ մաքրել հակահեղափոխական բանդաներից։ Մասսայական արշավանք հացի համար, ռազմական գործի մասսայական ուսուցում, բանվորների մասսայական զինում ու բոլոր ուժերի լարում հակահեղափոխական բուրժուազիայի դեմ — ահա կոմունիստական կուսակցության առաջադրած նոր խնդիրները։ Կուսակցական-սովետական հայ պարբերական մամուլը սիստեմատիկաբար ցույց էր տալիս, թե աշխատավոր մասսաները ինչպիսի ոգևորությամբ ընդունեցին այդ կոչը։ Թերթերը հրապարակում էին երկրի պաշտպանությանը նվիրված աշխատավորների միտինգների ու ժողովների հաշվետվությունները, ընդունված որոշումները։ Նրանք պատմում էին կուսակ-

7 «Կարմիր բանվոր», Աստրախան, 1919 թ., № 14.

8 «Կարմիր օրեր», Պյատիգորսկ, 1918 թ., № 18.

դական կազմակերպությունների ձեռնարկած միջոցառումների մասին: Կուսակցական շաբաթ անցկացնելու մասին «Կարմիր բանվոր» թերթում հրատարակված Աստրախանի կոմիտեի կողմից արձագանքը գտավ հայ ազգաբնակչության շրջանում: Հարյուրավոր գիտակից առաջավոր բանվորներ ցանկություն հայտնեցին թշնամու դեմ կռվել կոմունիստի կոչումով: Աստրախանում հրատարակվող «Կարմիր բանվոր» թերթը այդ օրերին գրում էր. «Մոզ բոլոր նրանք, ում թանկ է աշխատավորության բախտն ու երջանկությունը, ում խորթ չեն աշխատանքի թափափուրության սկզբունքները, զան կանգնելու մեր կողքին, աշխատավորության մեծ հեղափոխությունը պաշտպանելու համար»:

Արձագանքելով կուսակցության կոչին, Ռոստով-Նախիջևանի երիտասարդական կոմունիստական միության հայկական սեկցիայի անդամներն ընդհանուր ժողովում անարգանքի սյունին զամեցին սպիտակզավարդիական հրոսակախմբերին և պատրաստակամություն հայտնեցին մինչև վերջ պաշտպանել սոցիալիստական հայրենիքը: Հայ երիտասարդների կողմից ընդունված բանաձևում, որը տպագրվել է «Բանվորի կոիվը» թերթի 1919 թ. № 28-ում, ասված է. «Մենք, Ռուս. կոմերիտմիության հայկական սեկցիայի անդամներս, պատրաստ ենք մեր ամբողջ ուժն ու եռանդը նվիրելու, թե՛ ֆրոնտում և թե՛ թիկունքում ամրացնելու հեղափոխության նվաճումները և վերջ տալու Ղրիմի սև բարոն Վրանգելի հարձակումներին, վերջնականապես ոչնչացնելու նրա խղճուկ զորքի վերջին մնացորդները: Կեցցե՛ Կարմիր բանակը: Կեցցե՛ հեղափոխության վերջնական հաղթանակը բարոն Վրանգելի դեմ»:

Կարմիր բանակին ամենօրյա օգնություն ցույց տալու համար Կրասնոդարի կոմերիտմիության հայկական սեկցիան կազմակերպում է Վրանգելի դեմ պայքարի շաբաթ: Այդ օրերին տեղի էին ունենում միտինգներ, երեկոներ, որտեղ հայ երիտասարդությանը բացատրվում էր հեղափոխությանը, սովետական իշխանությանը սպառնացող վտանգի լրջությունը: Այդ ժողովներում ելույթներ էին ունենում այնպիսի ակտիվ զործիչներ, ինչպիսիք էին Բրուսյանը, Վ. Տեր-Պողոսյանը (ՍՍՌՄ ժողովրդական դերասան Վ. Վաղարշյան), Բալյանը և ուրիշներ⁹:

Սովետական իշխանության թշնամիների ոտնձգությունները բողոքի հրակայական ալիք առաջացրին նաև կապիտալիստական երկրների աշխատավորության լայն շրջաններում: Ամբողջ աշխարհի աշխատավորները խանդավառությամբ և հպարտությամբ էին հետևում Սովետական Ռուսաստանին, բանվորների ու գյուղացիների այն միակ երկրին, որն անձնազոհ կերպով մարտնչում էր օտարերկրյա ինտերվենտների և սպիտակզավարդիական բանդաների դեմ: Ռուսաստանի հեղափոխական պրոլետարիատի և նրա կուսակցության պայքարը ոգևորում էր կապիտալիստական երկրների աշխատավորությանը՝ նրանց ամենօրյա դասակարգային մարտերում: Արևմուտքի մի քանի երկրներում հեղափոխական մարտերը շարունակվում էին նոր թափով: Եվրոպայում և Ամերիկայում լայն ծավալ էր ստացել «Ձեռքերդ հեռո՛ւ Սովետական Ռուսաստանից» լոզունգը: Իմպերիալիստներն անասելի դաժանությամբ ճնշում էին բանվորական ելույթները: Արյան մեջ խեղդվեցին Գերմանիայի և Հունգարիայի բանվոր դասակարգի հեղափոխական շարժումները: Սակայն պայ-

⁹ «Կարմիր բանվոր», Աստրախան, 1919 թ., № 17:

¹⁰ Հնարավորություն ունեցանք վերծանելու Կրասնոդարում աշխատած մի քանի զործիչների անունները (Ս. Ս.):

քարը շարունակվում էր։ Ամրապնդվում էր ամբողջ աշխարհի աշխատավորների միասնությունը։ Միջազգային պրոլետարիատը ոտքի էր ելել պաշտպանելու առաջին սոցիալիստական պետությունը, թույլ չտալու իմպերիալիստներին խեղդել ուսական հեղափոխությունը։ Մոսկվայի «Կոմունիստ», «Կարմիր դրոշակ», Ռոստով-Նախիջևանի «Խանվորի կռիվը», Կրասնոդարի «Կարմիր աստղ» և հայկական մյուս թերթերը իրենց ընթերցողներին մանրամասնորեն պատմում էին միջազգային պրոլետարիատի պայքարի մասին՝ ի պաշտպանություն սովետների երկրի։ Նրանք հաղորդում էին, որ անգլիական բանվորները պահանջում էին չմիջամտել Սովետական Ռուսաստանի ներքին գործերին։ Ֆրանսիայի աշխատավորությունը կոչ էր անում պատրաստ լինել առաջին իսկ ահազանգով ելնելու ի պաշտպանություն ուսական հեղափոխության նվաճումների, գերմանական բանվոր դասակարգը Ֆրանկֆուրտում, Իենայում, Համբուրգում, Բեռլինում, Բրեսլավում, Սիլեզիայի և Պրուսիայի այլ քաղաքներում գործադուլային շարժում էր սկսել ի պաշտպանություն Սովետական Ռուսաստանի։

Բարձրացող պրոլետարական հեղափոխության հզոր ալիքից սարսափած այդ երկրների բուրժուազիան բոլոր միջոցներով, հատկապես մամուլով ճշգնում էր խաբել սեփական երկրի պրոլետարիատին, շեղել նրա ուշադրությունը և թույլ չտալ, որպեսզի նա հանդես գա Հոկտեմբերյան հեղափոխության նվաճումների պաշտպանությամբ։ Մերկացնելով իմպերիալիստական պետությունների այդ խաբեությունները, «Կարմիր դրոշակը» «Միջազգային ռեակցիան» վերնագիրը կրող առաջնորդողում գրում էր. «Մինչև այժմ իմպերիալիստները հակահեղափոխությանն օգնում էին զաղտնի կերպով։ Մինչև այժմ նրանք աշխատում էին ապացուցել, որ Արխանգելսկի և Սիբիրի հակահեղափոխությունը սնվում էր տեղական ազգաբնակչության միջոցներով։ Այդ քաղաքականության, այդ կեղծավորության շնորհիվ և՛ անգլիական, և՛ ֆրանսիական իմպերիալիստները խաբում էին եվրոպական պրոլետարիատին»¹⁰։

Սովետական Ռուսաստանի հայկական թերթերը մեծ դեր խաղացին հայ աշխատավորությանը միջազգային կոմունիստական ու բանվորական շարժմանը ծանոթացնելու ուղղությամբ։ Նրանց տպագրած հոդվածներում ու թրդթակցություններում հստակորեն զգացվում էր այն ջերմ վերաբերմունքը, անհուն համակրանքը, որ տածում էին սովետական մարդիկ տարբեր երկրների պրոլետարների հեղափոխական շարժումների նկատմամբ։ Բնորոշ է, որ այդ նյութերում տեղ են գտել նաև ՌԿ(Բ)Պ 8-րդ համագումարի և Երրորդ ինտերնացիոնալի Լենինի կողմից ստորագրված հեռագրերը Հունգարիայի կոմունիստներին և Հունգարիայի սովետական հանրապետությանը։ Թերթերում հրատարակված հոդվածներում ընդհանրացվում էր միջազգային պրոլետարիատի հեղափոխական պայքարի փորձը։ Թերթերը մարքսիզմ-լենինիզմի ուսմունքի հիման վրա ցույց էին տալիս աշխատավորության պայքարի ուղին, մերկացնում պրոլետարիատի թշնամիների գործողությունները։

Կուսակցական և սովետական հայ պարբերական մամուլը ուշի-ուշով հետևում էր քաղաքացիական կռիվների ընթացքին և մասսաներին ճշմարտացի ինֆորմացիա տալիս զանազան ռազմաճակատներում տիրող վիճակի մասին։

¹⁰ «Կարմիր դրոշակ», Մոսկվա, 1919 թ., N 6։

Կարմիր բանակի յուրաքանչյուր հաջողություն անսահման ուրախություն էր պատճառում Ռուսաստանի հայ ազգաբնակչությանը:

Երբ արդեն ջախջախվել էին Կոլշակը, Կրասնովը, Կալեդինը և մյուս հակահեղափոխական ուժերը, նորից գլուխ բարձրացրեց Դենիկինը: Թերթերն այդ օրերին վճռական կռիվ էին կոչում յուրաքանչյուր հայ մարդու, բոլոր նրանց, ում համար թանկ էր սովետական իշխանությունը: Նրանք պահանջում էին, որ ամեն մի զիտակից աշխատավոր, ամեն մի ազնիվ քաղաքացի ոտքի կանգնի, պայքարի նետվի ընդդեմ անարգ թշնամու:

«Կարմիր բանվոր» թերթի էջերում այդ օրերին հաճախ կարելի էր հանդիպել այսպիսի կոչերի. «Բանվոր ու գյուղացի, թո՛ղ քո խաղաղ աշխատանքը թշնամին սպառնում է քո կյանքին, նա ուժեղ է ու խարդախ»: «Հրացանը ձեռքիդ կանգնի՛ր հեղափոխության նվաճումների պաշտպան, զնա Կարմիր բանակ»: «Բանվորա-գյուղացիական հանրապետությանը սպառնում են սնահոգի, ստոր հակահեղափոխականները, մա՛հ նրանց»: «Դու պետք է ջախջախես թշնամուն, բանվո՛ր, դու պետք է ոչնչացնես բոլոր քո թշնամիներիդ»: «Լարի՛ր քո վերջին ուժերը»:

«Կարմիր աստղը» նույնպես տպագրելով նման կոչեր, մեկնաբանում էր ռազմաճակատում տեղի ունեցող իրադարձությունների վերաբերյալ հաղորդագրությունները: Իր համարներից մեկում, օրինակ, նա հաղորդում էր. «Պանծալի Կարմիր բանակը Ղրիմի ճակատում փայլուն հաղթանակ է տարել: Վերցված է Պերեկոպը և Մելիտոպոլը: Թշնամին շրջապատված է և կտրված Ղրիմից: Մեր զորաբանակի երկաթյա օղակը օր-օրի վրա սեղմում է բարոնին. կարմիր զորամասերի առաջխաղացումը դեպի Ղրիմ շարունակվում է: Գենեռալ Վրանզելը իր նախորդ Դենիկինի նման նետվելու է ծով»¹¹:

Հայկական թերթերում հաճախակի հանդես էին գալիս կարմիր բանակի ականավոր հրամանատարները, որոնք հայ ընթերցողներին հասկանալի լեզվով պատմում էին կարմիր զորքերի տարած հաղթանակների մասին: Այդպիսի հոդվածներով թերթերում հանդես էին գալիս Ալ. Մյասնիկյանը (Մարտունի ստորագրությամբ), Երկաթյա դիվիզիայի լեգենդար հրամանատար Գայր՝ Հայկ Բժշկյանը (բանվոր Հայկ ստորագրությամբ), Աստրախանի նահանգի ներքին զործերի կոմիսար Աշոտ Խումարյանը, Կովկասյան առաջին կարմիր բանակի կոմիսարներից մեկը՝ Գ. Ղարիբջանցը և ուրիշներ: Մոսկվայի «Կոմունիստի» էջերում բացատրելով կարմիր բանակի դերն ու նշանակությունը, Ալ. Մյասնիկյանը նշում էր, որ նա արմատապես տարբերվում է մինչև այժմ գոյություն ունեցող բոլոր բանակներից: Կարմիրբանակայինը հանդիսանում է անկեղծության, ինքնազոհության, հերոսության տիպար: Մյասնիկյանը առաջ էր քաշում կարմիր բանակում իսկական կարգապահություն ստեղծելու հարցը: «Զորքից իսկույն պետք է դուրս շարժվեն անպետք տարրերը, վախկոտները, ձրիակները, մատնիչները: Եվ նա, ով դեմ է այդպիսի բանակի ստեղծմանը, նա հեղափոխության, սոցիալիզմի թշնամին է, նա չի կարող խուսափել ամենախիստ դատաստանից»¹²:

Հայկ Բժշկյանը իր մի շարք հոդվածներում ցույց էր տալիս, թե ինչպես ստեղծվեց կարմիր գվարդիան, այն ուժը, որը դարձավ կարմիր զորաբանակի

¹¹ «Կարմիր աստղ», Կրասնոդար, 1920 թ., № 23:

¹² «Կոմունիստ», Մոսկվա, 1918 թ., № 5:

հիմքը: «15 միլիոնանոց, փայտի ուժով հավաքած, աստծո և ցարի անունով երգվեցրած ու սնած, գավազանային դիսցիպլինային ենթարկված ու չորսամյա իմպերիալիստական սպանդանոցից բոլորովին հոգնած ու զզված զորքը, — դրում էր նա, — չէր կարող խորհրդային իշխանության նեցուկ լինել և ոչ էլ բանվորության շահերը պաշտպանել: Նա պետք է քայքայվեր անսպասան, որպեսզի մոխրակույտի տակից առկայծող նոր ուժերը ստեղծեին մեր բանվորական դասակարգային զորքը — կարմիր զորքը»¹³: Ցույց տալով կարմիր զվարդիայի պատմական միսիան, հոգվածի հեղինակը միաժամանակ մատնանշում էր, որ ներքին հակահեղափոխությունը ճնշելու և օտարերկրյա ինտերվենցիային ջախջախելու համար սովետական իշխանությանը հարկավոր է զուտ դասակարգային բանվորական ուժ: «Այսօր, սակայն, Ռուսաստանի պրոլետարիատը կարող է պարծենալ իր շնորհալի մարզված զորքով, նրա փառավոր հաղթություններով և հուսալ, որ կարմիր զորաբանակը, հեղափոխության կարմիր դրոշակը ձեռքին, որպես անսասան և անպարտելի ապառաժ, հզոր ուժ, կանգնած է հաղթանդամ, ու նրա կրծքի վրա մեկը մյուսի հետևից փշրվում են անօգնական հակահեղափոխական ու իմպերիալիստական բոլոր հոսանքները»¹⁴:

Օտարերկրյա ինտերվենտների և ներքին հակահեղափոխական ուժերի դեմ մղված կռիվներում աճեց ու զարգացավ կարմիր բանակը: Ընդամենը երեք-չորս տարվա պատմություն ունեւ կարմիր բանակը, սակայն նրա զործած սխրանքներն ու հաղթանակները ցույց տվեցին աշխարհին, որ պրոլետարիատի ստեղծագործ ուժը անսպառ է ու անսասան:

Կոմունիստական կուսակցությունը և սովետական կառավարությունը իր շուրջը համախմբելով քաղաքի և գյուղի աշխատավորությանը կազմակերպեցին ու զլխավորեցին սովետների հանրապետության հաղթանակը օտարերկրյա ինտերվենտների և սպիտակգվարդիական հակահեղափոխական ուժերի դեմ:

Ռուսաստանի կուսակցական և սովետական հայ պարբերական մամուլը մեծ դեր խաղաց քաղաքացիական կռիվների ընթացքում կուսակցության և կառավարության միջոցառումների պրոպագանդման, մասսաների մոբիլիզացման գործում: Այդ տարիներին հայկական թերթերում ակտիվ աշխատանք էին տանում Վ. Տերյանը, Ա. Կարինյանը, Ա. Հովհաննիսյանը, Հ. Հովսեփյանը, Բ. Բորյանը, Վ. Երեմյանը, Հ. Գյուլիքեխյանը, Ե. Չուբարը և շատ ուրիշներ: Նրանց հոգվածներն ու ակնարկները, պատմվածքներն ու ինֆորմացիաները ուշագրավ են իրենց կրթոտությանը, ապագայի նկատմամբ լավատեսությանը և հեղափոխական ուժանտիկայով: Կարդալով թերթերում տպագրված նյութերը, հայ աշխատավորությունը համակվում էր հեղափոխական զաղափարներով, ոգեշնչվում ձեռք բերված հաղթանակներով և, օրինակ ունենալով Սովետական Ռուսաստանի փորձը, նախապատրաստվում գալիք մարտերին:

¹³ «Կարմիր դրոշակ», Մոսկվա, 1919 թ., № 5:

¹⁴ Նույն տեղում:

С. У. Саркисян

АРМЯНСКИЕ ГАЗЕТЫ СОВЕТСКОЙ РОССИИ В ГОДЫ ГРАЖДАНСКОЙ ВОЙНЫ

Р е з ю м е

В истории армянской периодической печати видное место занимают армянские газеты, издаваемые в 1918—1921 гг. в различных городах Советской России.

В Москве издавались армянские газеты «Коммунист» и «Кармир дрошак» («Красный флаг»), в Пятигорске — «Кармир орер» («Красные дни»), в Астрахани — «Кармир банвор» («Красный рабочий»), в Нахичеване на-Дону — «Банвори крив» («Борьба рабочего») и «Банвор» («Рабочий»), в Краснодаре — «Кармир астх» («Красная звезда»), в Ашхабаде — «Шефор» («Горн») и «Кочнак» («Набат») и т. д. Эти газеты являются летописью борьбы армянских трудящихся в тяжелые годы гражданской войны.

Печать активно помогала партии мобилизовать все силы трудящихся армян Советской России и направлять их на борьбу против белогвардейцев и иностранных интервентов.

Газеты на своих страницах разъясняли народным массам причины и характер гражданской войны, организационно готовили их к предстоящей борьбе. В многочисленных газетных материалах рассказывалось о героических подвигах Красной Армии. Печать вселяла веру в победу, пропагандировала мероприятия, проводимые коммунистической партией и советским правительством в деле организации разгрома иностранной интервенции и контрреволюционных белогвардейских полчищ. Одновременно армянские журналисты выявляли реакционную сущность армянских буржуазно-националистических партий, показывали подлинное лицо сообщников иностранных интервентов и белогвардейцев.

Правдивое большевистское слово проникало в сердца людей, призывало их к борьбе. Армянские газеты сыграли большую роль в деле коммунистического воспитания масс.